

## ՏԱՐԷԳԻՐՔ ԿԱՄԵՆԻՑԱՅ



1430. ԹՎ. Ֆռանգաց ՌՆԼ. վախճանեցաւ Քնեազ Վիդուդ, որ էր քաջ և արի ընդդէմ թշնամեաց իւրոց. զոր և զԴադարն (Թաթարք) մինչեւ իւր դաւադըն (աթոռ տէրութեան) որ կոչի Ղրիմն, մինչեւ ի այն հալածեաց և կոտորեաց, և զ' 20,000 Գաղարն գերի վարեց, և երեր ի այսմ լիդվայի երկիր (Վիդուանիա), և անդ բնակեցոյց զնոսա. որք են այժմ ի Վիլնային գաւառն՝ այնոքիկ են, յորէն յայնմանէ:

1434. ԹՎ. Ֆռանգաց ՌՆԼԳ. Եկայլոյ (Եակելլոն) էառ զՄաճրաց երկրին զգախթն. այս Եկայլոյ երեք եղբայր ունէր, Վեդուդ, Շվիտրհայլոյ և Կորէկալ:

1444. ԹՎ. ՊՂԳ. Կամինիցս ջրհեղեղ եկաւ, և զբերդն տւերեց, և զլըրաղացքն տարաւ. և շատ պակասութիւն արաւ աշխարհի. մարտի 22, օրն կիրակի, ի պարօնութեան Տիտրիխին: Եւ ի նոյն ամին խաբեց Մանայիլն զԻլախնին (Լեհք), և կամեցաւ զբերդն տալ, և ոչ ետուր:

1448. ԹՎ. ՊՂԶ. Նստաւ ի թագաւորութիւն Քաղիմիր (Զ) Թագաւորն, որ էր հայրն Զիկմոնդին. և վախճանեցաւ ԶիւԱ. (1492):

1450. ԹՎ. ՊՂԹ. Մեծ կռիւ արաւ Եկայլոյ ի հետ Բրուսին. և յաղթեցին զԲրուսն:

1454. ԹՎ. ՌՆԾԴ. Գաղմիր թագաւորն կռիւ արար ի Վոյնցային տակն:

1467. ԹՎ. ԶԺԶ. Ծնաւ Զիկմոնդ թագաւորն. որ է որդի Քաղիմիր թագաւորին, յունուարի առաջին օրն, որ է նոր տարի:

1475. ԹՎ. ԶԻԴ. Տաճիկքն զԱեչովն այրեց. զոր յետոյ Շտեֆան վոյվոտան զիւրեանք կոտորեց մինչ իսպառ:

1475. ԹՎ. ԶԻԴ. Տաճիկ ազգն էառ զԿաֆա՝ ի ձեռաց Ֆռանգացն ազգին:

1483. ԹՎ. ԶԼԲ. Ան ազգն Տաճիկ էառ ի քրիստոնէից ձեռացն զԿիլին (Քիլիս) և զԱղբէրմանն:

1484. ԹՎ. ԶԼԳ. Եկաւ Թուրքն և զԿիլին և զԱղբէրմանն էառ իւր ձեռաց տակ: